

خبرنامه محاکمه

جمعه ایرتسی

نومرو	صفر	سنه	تموز	سنه	صفحه
۸۸۵	۲۱	۱۳۱۴	۲۰	۱۳۱۲	۱۲۴۷۷

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی فروش)
 (حسابیه التمش فروشدر . طشره لر ایچون اون بش فروش پوسته اجرتی ضم اولتور . بهر)
 (نسخی ینه مجیدیه یکریمی فروش اولق اوزره یوزپاره یه هریرده صاتیلور . درج اوله جقی)
 (اعلاناتک هر برندن بر مجیدیه اخذ اولتور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایللیدر)

قسم رسمی

توجیهات

بک اوغلی بدایت محکمه سی ایکنجی حقوق
 دائره سی ریاستی درسعات تجارت بحریه محکمه سی
 اعضا سندن سعادتلو کاظم افندی به

تجارت بحریه محکمه سی اعضائی درسعات
 استیناف محکمه سی مدعی عمومی معاونلرندن
 عزتلو جلال بکه

درسعات استیناف محکمه سی مدعی عمومی
 معاونلکی اسکدار بدایت محکمه سی مدعی عمومی
 معاونی رفعتلو علی رضا افندی به

اسکدار بدایت محکمه سی مدعی عمومی معاونلکی
 مکتب حقوق شاهانه مأذونلرندن جودت افندی به
 تفویض بیورلمش ومومی الیهمدن کاظم افندی ایله
 جلال بکک وعلی رضا افدینک مأموریت
 سابقه لرینه حین تعیینلرنده تحلیقلری اجرا قلندینی
 کبی جودت افدینک دخی ذات شوکتسمات
 حضرت خلافتیناهی به ودولت علیه لرینه صادقانه

ایفای خدمت ایده جگنه و مغایر عدالت حرکانه
بولنیه جفته دائر امر تحلیفی اجرا اولمشدر .

(فی ۲۹ محرم سنه ۳۱۴ و فی ۲۹ حریران)
(سنه ۳۱۲ تاریخیه بالجمله ولایات استیناف)
(محکمه سی مدعی عمومیلرینه ومدعی عمومی)
(بولنیهان محالرمدعی عمومی معاونلرینه یازیلان)
(تحریرات عمومی صورتیدر)

قرق اغاج قصبه سی اهالیسندن اسماعیل
اوغلی ایچلی شریف نام شخص یدنده اون ایکی
بتون والی اوج یارم مجیدیه و بر مجیدیه ایکیلکی
واوتوز سکنر عدد شیلندن عبارت اوله رق ظهور
ایتمش اولان قلب مسکوکاتک لاجل المعاینه آیدین
ولایت جلیله سندن کوندرا سیله مسکوکات شاهانه
اداره سنجه معاینه ایتدیرلکده بوتلر غایت خفیف
وترکیبات معدنیله قلائی و قورشون و بر مقدار
انتیمون و باقر و توتیادن عبارت اولدینی واصاغه
صورتیه اعمال قلندینی جهته شبهه سز قلب
اولدقاری اکلاشلمش و دیگر محالرده سورلمسینه
چالیشلمسی ملحوظ بولمش اولدیفندن منع

تداولی اسبابنک استیکمالی مالیه نظارت جلیله سنک
اشعارینه عطفاً داخلیه نظارت جلیله سندن باند کره
ازبار اولمش و بومثللو قلب ایچله لک سورلمسینه
تثبت ایدنلر حقارنده تعقیبات عدلیه نک تمامی
اجراسی خصوصنه اعتنا قلنمسی هر طرفه توحید
واخطار اولدینی کبی اشبو تحریرات عمومی نک
نسخ مطبوعه کافیه سی دخی لفا طرف بهیلرینه
ارسال اولمش اولمغله مأموریت بهیلری
داخلنده کی محاکمه ده اولوجهله ایفای مقتضای
سیاقنده شقه

(فی ۱۴ صفر سنه ۳۱۴ و فی ۱۳ تموز)
(سنه ۳۱۲ تاریخیه بالجمله ولایات استیناف)
(محکمه سی مدعی عمومیلرینه ومدعی عمومی)
(بولنیهان محالرمدعی عمومی معاونلرینه یازیلان)
(تحریرات عمومی صورتیدر)

تخصیصات قیلندن بولنان اراضی امیریله
موقوفه متعلق دعاویده اوقاف مأمورلرینک دخی

قسم غیر رسمی

(محکمه استیناف حقوق قسمندن ۱۵ حریران)
(سنه ۳۱۱ تاریخی ویتش یدی عددی ایله)
(ویریلان اعلامک مابعدی)

معلوم الحدود بش قطعه اراضینک انتقال خرجنی
ویرماملرندن طولانی محلی اجرا مأموری معرفتیه
بالمزاید مرقوم حسن اغایه فروخت ایدیلرک
یدینه سند خاقانی دخی ویرلمش ایسه ده مذکور
چفتلک حصه دارلری اولان جلال بک ورته سی
طرفدن آروجه اقامه اولمان دعوا ده کندولرینک
دخی بالینه ذی الید اولدقاری ثابت اولمش
ومرقوم حسن اغا ایسه چفتلک مذکورک قسم
کلیدی فضولا غصب حقوقلرینه تجاوز ایتمش
اولدیفندن بختله مداخله واقعه نک منعیله اغای
مرقوم یدنده بولان مذکور تصرف سندنیک
ابطالی ازمد بدایت محکمه سنه مراجعتله طلب
ودعوی ایتلرینه قارشو عندالحاکمه مدعی علیه
مرقوم حسن اغا دخی مدعا به اراضی اراضی
امیریله دن اولوب معلوم المقدار انتقال خرجنک
مدعیلر جانبندن اعطا قلنمسی اوزرینه دفتر خاقانی

حضوری لازم کلوب کلیه جکی باب عالی ایله
جریان ایدن محاسبه اوزرینه شرفوارد اولان
۲۳ ذی الحجه سنه ۱۳۱۳ و مارت سنه ۱۳۱۲
تاریخی تذکره سامیه ده اراضی امیریله موقوفه
تخصیصات قیلندن اولمغله برابر حقنده اراضی
امیریله صرفه معامله سی جریان ایتکده اولمسنه
و ذاتاً اراضی امیریله دعوارنده اراضی مأمور
لرینک حضوری حقوق بیت المالی محافظه دن
عبارت اولمسنه بونک ضمننده حقوق اوقافک
دخی حفظ وصیاتنده بولنلمش اوله جفته بنیاء
اوقاف مأمورلرینک برلکده بولنلرنده برقاغه
کور یله میوب بالعکس محاکمه تأخرات و تکلفاتی
موجب اوله جنی جهته اکا کوره ایفای مقتضای
تذکر اولدینی شورای دولت تنظیمات دائره سندن
بامضبطه افاده قلندینی و اوقاف هایون نظارت
جلیله سنه دخی معلومات ویرلمش اولدینی بیانیله
اولوجهله ایجابنک اجراسی اشعار بیورلمش
ومحاکمه لاجل التبلیغ اشبو تحریراتک نسخ
مطبوعه کافیه سی لفا ارسال قلنمش اولمغله
بیان حال سیاقنده

مأمور لنگ مذکره سی موجب اجراء مأموری
جانبندن بالمزایده بدل معلوم مقابلنده کندی
عهده سنده تقرر ایدرک اولوجهله سند خاقانی
المش اولسی جهته اولبابده کی استدلالینک ردی
مدافعه انبا ایلدکن و دفتر خاقانی مأمور لنگه
یازیلان تذکره نک جوابی الندقدن صکره جریان
ایدن محاکات و کشف و تدقیقات نتیجه سنده
مستدعیون مشار و مومی الیهم ایله جلال بک
ورنه سنک دفتر خاقانی قلمنه انتقال خرجی اوله رق
دینلری اولان یکریمی درت بیک یوز طقسان
القی غروشک تأمین استیفاسی ضمننده دفتر خاقانی
مأمور لنگدن و یریلان مذکره اوزرینه مدعا به
اراضی اجراء دائره سنجه بالمزایده مدت قانونیه نک
انقضاسندن صکره مدعی علیه مرقوم حسن اغا
عهده سنده تقرر ایدرک اولوجهله اغای مرقومه
بش قطعه سند خاقانی ویرلش و سندات مذکره
ایسه شانه تزویردن سالم و معمول به اولوب
الحق اراضینک اجراء دائره سنجه بی اولبابده
اجراء نظامنامه سی احکامنه مغایر اولدینی فرض
ایدلسه بیله نظامنامه مذکورک اون اوچنجی
ماده سی موجب سنجه معاملات اجراءدن طولانی
متضرر اولنلرک مسیبلری علیهنده اشتکاعن الحکام
دعواسی اقامه سنده مختار اوللرینه بناء اولبابده کی

مداخله و ادعایینک ردیله بر موجب سندات
مدعا به اراضی به مدعی علیه مرقوم حسن اغانک
تصرف ایتسنه دائر محکمه مذکره دن و یریلان
اعلامک عند الاستیناف تصدیقه حکمدن
و مستدعیلر و کیلی رشید افندینک اشبو حکم
علیهنده کی اعتراضاتنک خلاصه سی اجراء رئیسینک
اتخاذ ایده جکی قرارلر اعلام حکمنده اولوب بونک
طرفینه تبلیغ و اعطا ایده لمامش اولسی و طابو
قیدینک محکمه تمیز قرارینه منافی اوله رق دفتر
خاقانی قیدی معناسی ویرلشی و منازع فی اراضینک
اولبابده کی مزایده بوصله سنده محرر اولدینی اوزره
دویم اعتباریله صالتدینی حالد بونک بالاخره
حدود اعتباریله حکم ایدلسی و نقصان ظهور ایدن
دونملر حقننده تحقیقات اجراء قلمدینی کی
موکلرینک بورجی ایچون مذکور اراضیلر
فروخت ایدلش ایسه ده اول امرده اموال
منقولهدن بدأ ایدلک و ایکنجی درجه ده اموال
غیر منقوله نک صاتلمسی ایجاب ایدر ایسه چفتلکه
اک زیاده بعید و دیگرینه نسبتله دها آز محصولدار
اولان اراضی بی فروخت ایتک ایجاب ایدر ایکن
بویولده معامله اجراء ایدلکسزین و بونلرک
ایجاریه تسویه دین ممکن اولدینی حالد بوراسنک
دخی نظر اعتباره التمسزین بر وجه محرر

موکلرینک رد ادعایینه قرار ویرلشی یولسز
ومغایر قانون اولدیفندن بختله اعلامک تقضی
و مدعی علیه حسن اغا و کیلی سرکز اسمریان
افندینک بوکا قارشو نتیجه اجوبه سی ایسه
اعتراضات مسرووده نک واهی و بی اساس اولدینی
بیانیله ردی و موافق اصول و قانون اولان
اعلامک تصدیق طلبندن عبارت بولمشدر .

ایجابی مذاکره اولندقدده اعلام مذکور
مطالعہ سندن منضم اولدینی اوزره اشتکا
عن الحکام ایدلک اوزره مستدعی تمیزلرک
حسن اغا علیه اولان دعوالرینک ردینه
حکمدن عبارت ایسه ده اجراء مأمورینک اراضی
مدعا بهک فروختی خصوصنک تحصیل اموال
نظامنامه سی احکامنه موافق اولدینی حقننده
مستدعیلر جانبندن درمیان ایدیلان ادعایرک
نظامنامه مذکور احکامنه توفیقاً بالتدقیق حاصل
اوله حق نتیجه به کوره حکم ایدلک لازم کلور
ایکن بوجهت تدقیق ایدلکسزین بر وجه محرر
رد ادعایه قرار ویرلشی یولسز و مغایر قانون
اولدیفنه و مستدعیلر و کیلی رشید افندینک
اعتراضی دخی شایان قبول بولندیفنه بناء اصول
محاکمه حقوقیه قانوننک ایکوز قرق دردنچی

ماده سی حکمنه توفیقاً کیفیتک صور محرره
دائرة سنده بالرؤیه اعلامه ربطی ضمننده محکمه
مذکره به اعاده سنه وزیرده مفرداتی مرقم اوچ
یوز طقسان درت بحق غروش مصارف تمیزیه نک
ایلروده حقسز چیه حق طرفه رجوع ایتک اوزره
اول امرده مستدعیلر دن التمسنه ۳۰ تشرین ثانی
سنه ۳۱۱ تاریخنده متفقاً قرار ویرلرک طرفین
وکیلارینه تفهیم قلندی .

قوصوه ولایتی مرکز بدایت محکمه سندن
۹ تشرین ثانی سنه ۳۱۰ تاریخی و یوز قرق بدی
عددی ایله صادر اولان اعلامک تمیزینی استدعا
ایدن اسکوب قضاسنک دیرریلوه قریه سنده ساکن
دکرمنجی دوراق و شریکی نورالدین اغالره
مدعی علیه اسکوب قصبه سنک اسحاقیه محله سنده
مقیم خبره جی زاده حاجی حسین بک یوم معینده
دائرة به کلدکاری کی جواب لایحه سی دخی
کوندرلماش اولدیفندن اصول محاکمه حقوقیه
قانوننک ایکوز بکریمی طقوزنجی ماده سی موجب سنجه

تدقیقات تمیزیه اجرا سنه ابتدار اولندی .

اوله رق مدعی مومی الیه حاجی حسین بکک منازع فیه
دکر منده حصه سی اولدینی حالده بلا سبب
مستأجر لردن بدل ایجار دعوی ایتیمی بالاخره
حقوقه طوقه جفتدن بمثله ادعای واقعه سنک
ردینی ادعا ایلدکن صکره جریان ایدن محاکمات
وتدقیقات نتیجه سنده منازع فیه دکر منک اونیش
سهم اعتبار یله اوچ سهم سنک اوچیز بش
سنه سی بدل ایجار نندن باقی قلان ایکوزاللی غروشله
اوچیز الی سنه سی ایجاری اولان ایکی بیک
درتیوز غروش که جمعا ایکی بیک التیوزاللی غروش
مستأجران دوراق و نورالدین ذمتلرنده الاجفی
اولدیفندن بمثله تحصیلنی طلب و دعوی و لاجل -
الحاکمه وقوعیولان دعوتیه مدعی علیهما من بوراندن
نورالدین اغانک اجابت ایتماسی اوزرینه محافظه
حقوقی ضمنتده محکمه جه بروکیل مسخر تعیین
قلندقدن و دوراق اغا ایسه مذکور دکرمانی
احمد بکدن استیجار ایدوب مدعیدن استیجار
ایتمک لری مدافعه انبا ایلدکن و منازع فیه
دکر منی مدعی علیهما مرقومان مدعیدن استیجار
ایدرک استعمال ایلدکاری استماع قلنان شهودک
شهادت واقعه سیله ثابت اولدقدن صکره برای
محاکمه تعیین ایدیلان کونده مدعی علیهمادن
دوراق اغانک کلامی اوزرینه انک ایچون دخی
محکمه جه بروکیل مسخر تعیین ایلدکن شخص
تالک صفتیه باعری محال احمد بک داخل دعوی

لا یجملرنده محرو اعتراضاتک خلاصه سی منازع فیه
دکر منی اوچیز بش و الی سنه لری ایچون
منصرف لری اولان احمد بک و شرکاسی طرفندن
کندولرینه ایجار اوله رق ماه بماء بدل ایجاری
دخی مومی الیه احمد بکه تسویه و ایضا اولدینی
حالده مدعی طرفندن ایکی سنه ظرفنده حبه واحده
طلب و حصه شایعه سی بولندینی درمیان ایلدیکی
جهتله ثم التدارک اوله رق ایجار طلب دعوی
ایلمسی یولسز اولدینی کی کندوسنک حصه سی
بولندینی حالده مومی الیه احمد بک علیه اقامه
دعوی ایلمک و بویکی ایجار و استیجار دعوالری
ایجار عقرار نظامنامه سنک برنجی ماده سی حکمنه
توفیقاً قونطوراتو ایلله منعقد اولمق لازم کلورایکن
اسکوب بدایت محکمه سنجه بورالرینک نظر
اعتباره التمسین بوجه محرو حکم ایدلمسی
منابر قانون اولدیفندن بمثله اعلامک نقضی
استداسندن عبارت بولمشدر .

ایجابی مذاکره اولندقدن اعلام مذکور
مطالعہ سندن مفهم اولدینی وبالاده تفصیل و بیان
ایدلیدی وجهله مومی الیه حاجی حسین بکک
مرقومون دوراق و نورالدین اغالر ذمتنده منازع
فیه دکر من بدل ایجار نندن طولانی ایکی بیک

درتیوز غروش الاجفی اولوب مذکور دکر منک
اون بش سهم اعتبار یله اوچ سهم سنه متصرف
ومالک اولدینی استماع قلنان شهودک شهادت
واقعه سیله ثابت و شخص ثالث احمد بکک ادعای
واهی اولدیفنه بناء مذکور ایکی بیک درتیوز
غروش ایجارک مستأجر مرقومون نورالدین
و دوراق اغالردن تحصیلنه و مبحث عنه اولان
حصه شایعه نک محله ده تسلیمنه حکمدن عبارت
اولسنه نظراً حکم مذکور اسباب موجبیه
مستند و اصول وقانونه موافق اولوب مستدعیان
مرقومانک تمیزاً سرد ایلدکاری بالاده محرو
اعتراضاتیه اعتراضات سائر سی نقض حکمی
موجب کور یله مدیکنه بناء ردیله اعلام مذکورک
تصدیقته وزیرده مرقم اوچیز قرق بر
بجق غروش مصارف تمیزیه نک مستدعیان مرقومانه
رجوع ایتک اوزره اول امرده مدعی علیه حاجی
حسین بکدن الخمسه ۲۲ شباط سنه ۱۲۴۸ تاریخنده
متفقاً قرار ویرلدی .

و مدعیك اولیاده تحلیفی مدافعه طلب وادعا
ایلمسی اوزرینه مرقوم آغوب اغا یمنندن نیکول
ایله برابر حسین افندیك اقرار ایتدیکی التمش بش
لیرانك تحصیل طلب ایلمش ایسه ده حکمه سبق
دعوی شرط اولدیغندن مزبور آغوب اغانك
استداسنك ردی قرارینی ناطق کرده بدایت
محکمه سندن صادر اولان اعلام علیه ده مزبور
آغوب اغا بولی بدایت محکمه سنده استیناف دعوی
ایدرك محکمه استینافیه جه قرار ایتدائینك
فسخندن صکره اجرا قلنان محاکمات و تدقیقات
استینافیه نتیجه سنده مومی الیه حسین افندیك
بورجی اولدینی تبیین ایدن التمش بش ایرایه محسوباً
وقوعبولان تسلیماتك تنزیله متباقی اوچ بیک
یدیوز کسور غروشك کندوسندن تحصیله
حکمدن و مستدعی تمیز حسین افندیك اشبو
حکم علیه ده باشلوجه اعتراضی اساس دعوی
امرہ محرر سندن متولد و طرفین تجارت معدود
اولدینی جهته دعوی واقعه نك تجارت محکمه سنجه
رؤیتی لازم کلور ایکن حقوق عادیه محکمه سنجه
باقلمسی و بدایه بالکیز رد استدعا به قرار
ویرلدیکی حالده استیناف محکمه سنجه اعلام
ابتدائینك فسخیله برابر اساس دعوا به حکم
اولنمی مخالف قانون اولدیغندن بحثله اعلامك

بولی بدایت محکمه سندن ۲۴ شباط سنه ۳۰۸
تاریخی و قرقیدی عددی ایله استینافاً ویریلان
اعلامك تمیزی نی استدعا ایدن بولی سنجاغنه تابع
کرده قضاسنك چقا قصبه سنده مقیم قوجه حسین
زاده حسین افندی ایله مدعی علیه کرده قصبه سی
چارشوسنده مقیم تجاردن ارزومان اوغلی آغوب
اغایوم معینه دعوتہ اجابت ایتدکلرندن باش
مدعی عمومیک مأموریت علیه سنك مطالعه نامه سی
التدقندن صکره اصول محاکمه حقوقیه قانونك
ایکیوز یکریمی طقوزنجی ماده سی موجبجه تدقیقات
تمیزی به اجرا سنه ایتدار اولندی.

اعلام مذکورك خلاصه مائی مزبور آغوب
اغانك مومی الیه حسین افندی ذمتده امرہ محرر
برقطعه سند موجبجه الاجنی اولان سکسان بش
لیرانك تحصیاتی طلب و دعوی و مذکور سندی
ابراز و اعطا ایتسنه قارشو مدعی علیه حسین
افندی دخی کندوسنك شخص ثالث اوخانس نام
کسنه به اولان التمش بش لیرا دینی مرقوم آغوب
اغایه بالحواله مبلغ مزبوره یکریمی لیرا فائض ضمیمه
بالغ اولدینی سکسان بش لیرایی ناطق مذکور
سندی آغوب اغایه ویرمش ایسه ده مبلغ مزبوری
نقداً المدینی جهته اقرارنده کاذب اولدیغنی

تقاضی استدعا سندن و مدعی علیه آغوب اغانك
لایحه سنده محرر نتیجه جوانی وظیفه حقنده
سرد اولنان اعتراض واهی و بی اساس اولوب
حکم اعلامك موافق قانون اولدینی بیانیله تصدیق
طلبندن و سالف الذکر مطالعه نامه مائی دخی
دعوی واقعه امرہ محرر سنده مستند اوله رق
محکمه تجارتده رؤیت اولنقی لازم کلور ایکن
حقوق محکمه سنده باقلمش ودرجه اولی محکمه سنده
فصل دعوی ایدلیوب استدعا رد اولنمش
و بناء علیه اولیاده کی اعلامك عندالاستیناف
فسخی حالده دعوانك بدایت محکمه سنه اعاده سی
لازمه دن ایکن استینافده رؤیت قلمش اولسنه
مبنی اشبو جهته حقنده کی وظیفه اعتراضلیرنك
موافق قانون اولدینی بیانندن عبارتدر.

ایجابی لدی المذاکره اعلام مذکور
مندرجاتندن اکلاشالیدی اوزره مستند ادعا
اولان سند امرہ محرر اولسنه کوره دعوی
واقعه نك تجارت محکمه سنجه رؤیتی ذیل قانون
تجارنك یکریمی سکزنجی ماده سی اقتضاسندن ایکن
محکمه مذکورجه بوراسنه دفت اولنمیه رق وظیفه
خارجنده رؤیت و حکم اولنمی ودرجه اولی
محکمه سنده اساس دعوی فصل ایدلیوب استدعا

رد ایدلمش اولدینی جهته اولیاده کی اعلامك
عندالاستیناف فسخی حالده دعوانك بدایت
محکمه سنه اعاده سی لازمه دن اولدینی حالده استینافاً
رؤیت قلمسی اصول و قانونه مغایر و مستدعی
تمیزك اعتراضیله مطالعه نامه مندرجائی موافق
نفس الامر کورنمش اولدیغندن اصول محاکمه
حقوقیه قانونك ایکیوز اوتوز ایکنجی ماده سی
موجبجه اعلام مذکورك نقضیله قانون مزبورك
ایکیوز قرق دردنجی ماده سی حکمه توفیقاً کیفیك
یکیدن بالرؤیه اعلامه ربطی ضمننده محکمه
مذکوریه اعاده سنه وزیرده مفرداتی مرقم درت
یوزطقوز بحق غروش مصارف محاکمه نك ایلروده
حقسز حقیقه حق طرفه رجوع ایتك اوزره اول
امرده مستدعی تمیزدن اخذینه ۹ تموز سنه ۳۱۰
تاریخنده اکثریت آرا ایله قرار ویرلدی.

محکمه استیناف حقوق قسمندن ۲۸ تموز
سنه ۳۱۱ تاریخی و یوز یکریمی بش عددی ایله
ویریلان اعلامك تمیزی نی استدعا ایدن غلطه ده

مبلغ مذکور تماماً اخذایلمش ایسده مذکور
حواله نامه نك ایلشکی ظهور ایتسی جهته ولایت
مشارالیهاجه بدلی تسویه ایدلیهرك اعاده قلمش
اولدیفندن بخله مبلغ مدعا بهك مع فائض مومی الیه
سیموناکی افندی تحصیلی بك اوغلی بدایت
محکمه سی ایکنجی حقوق دائره سنده طلب ودعوی
واثبات مدعا ضمننده ایکی قطعه اعلامله برسد
ابراز واعطا ایتلرینه قارشو عندالحا که مدعی علیه
سیموناکی افندی وکیل دخی مبرز سند زیرنده کی
امضای بعدالاقرار منازع فیه اولان مذکور
حواله نامه عرف بلده اولهرق بین التجار التوب
صاتلمقده اولسی جهته متوفای مرقوم دخی حواله
مذکوریه قبول ایدرك عقد واقع اولندقدن
صکره ورثه نك قبولندن نکول الیه بدلی استرداده
حق وصلاحیتلری اوله میه جفتی مدافعه انبا
ایلمسی اوزرینه جریان ایدن محاکات و تدقیقات
نتیجه سنده مذکور حواله نامه اساساً انسطاش
ایلیادینک نامنه محرر اولدینی حالد مرقومدن
اشترا ایتش اولان مدعی علیه سیموناکی افندی
مدعیلرك مورثلری متوفای مومی الیه مانوق
افندی به بیع ایتش اولدینک وبو مقوله اخذ
واعطا قانوناً حواله دن معدود اوله میه جغندن
وحواله فرض ایدلمش اولسه مالیه خزینهنک

قناطو خاننده مقیم باب والای صر عسکری
متعهدلرندن سعادتلو سیموناکی افندی وکیل
یوردان رفائیدی افندی الیه مدعی علیهم متوفی
ارسلان اوغلی مانوق افندی ورثه سندن بك
اوغلنده مکتب زقاغنده نومروسز خانه ده ساکنه
زوجیه سی فائز و کریمه لری مقرویه واسقوهی
خانملره مخدوملری نافع نظارت جلیله سی
مهندسلرندن کیغورق و تجارندن کرویه افندیلر
وکیل مغردیج اساسیان افندی یوم معینه دائره
کلری اوزرینه ایضاحات شفاهیله لری استماع
قلندقدن صکره تدقیقات تمیزیه اجراسنه
ابتدار اولندی .

اعلام مذکور خلاصه مالی متوفی ارسلان
اوغلی مانوق افندی ورثه سی مومی الیه سیموناکی
افندی حلب ولایتک اوچوز و اوچوز بر
سنه لری اموالندن تسویه اولنق اوزره مالیه
نظارتندن المش اولدینی الی درت بیک بشیوز
اوتوزیدی غروشلق برقطعه حواله نامه سنی برکونه
ایلیشک ظهور ایدر ایسه اخذ ایلدیکی اوچوز
یتش بر عدد عثمانلی ایراسیله التمش سکنز غروشک
مع فائض اعاده و تأدیه ایتک شرطیه مورثلری
متوفی مانوق ارسلانیان افندی به فروخت ایدرك

موجبجه اعلام ابتدائی مذکورک تصدیقنه
حکمدن و مستدعی تمیزسیموناکی افندی وکیل
رفائیدی افندی اشبو حکم علیهنده کی اعتراف
ضاتک خلاصه سی موکلک محکومیتنه سبب اتخاذ
قلنان سند زیرنده کی امضا موکلک اولوب اولدینقی
سؤال ایتک ایچون جواب قطعی اعطا ایتشیکن
محکمه جه بوکا اقرار معنای ویرلمش اولسی
و عندالاستیناف معامله واقعه نك کتاب الیوع
فصلنه مطابق اولدینی کوسترلمش ایسده قننی
ماده سنه تماس ایدر اولدینک تصریح قلماش
وعقد واقع ایسه صرف حواله به معطوف اولهرق
اولوجهله سند دخی ویرلمش و ظهور ایدن
ایلیشکک صحتی حقهده تدقیقات اجرا ایتماش
اولدینی و بونده برکونه ایلیشک دخی اولدینی
بك اوغلی بدایت محکمه سی اعلامیه ثابت اولدیفندن
بخله اعلامک تقضی و مدعی علیهم ورثه وکیل
مغردیج اساسیان افندی بوکا قارشو نتیجه
اجوبه سی ایسه اعتراضات مسرودمک واهی
وی اساس اولدینی بیانیه ردی و موافق اصول
وقانون اولان اعلامک تصدیق طلبندن عبارت
بولنمشدر .

ایجابی مذاکره اولندقدن اعلام مذکور

قبولیه عقد حواله منعقد اوله جنی درکار اولوب
خزیننه مشارالیهانک حواله بی قبول ایلدیکنه دائر
بو بایده ابراز ایدیلان مذکور سنده بر قید
واشارت کوریه مدیکی کی مذکور حواله نامه نك
ایلیشکی ظهورنده مبلغ مذکورک اعاده ایدیه جکی
محرر ومشروط اولهرق ایلیشک ظهوریه مبلغ
مذکورک مالیه خزینهنسندن تسویه اولندینقی
اکلاشلمش اولدیفندن بر موجب سند و قرار
مدعا به اولان مذکور اوچوز یتش بر ایرالتش
سکنز غروشک مع فائض بالغ اولدینی التیوز اون
اللی لیرا یکریمی اللی غروشله ایکنجی تجارت
واستیناف و تمیز محاکمه ویرلمش اولان ایکی بیک
ایکوز اون بش غروش التون و بیک اوچوز
طقوز غروش مجیدیه ایچه مصارف محاکمه الیه برابر
مدعی علیه سیموناکی افندی تحصیلنه دائر محکمه
مذکورده دن ویریلان اعلام علیهنده مومی الیه
سیموناکی افندی جانبندن استیناف دعواسنه
تصدی اولنمش ایسده یوم معینه کتنامسی
اوزرینه سقوط دعواسنه دائر عن الغیاب محکمه
استیناف حقوق قسمندن صادر اولان اعلامه قارشو
بشکرار اعطا ایلدیکی استدعا اوزرینه وجاهاً
جریان ایدن محاکات و تدقیقات نتیجه سنده اصول
محاکمه حقوقیه قانوننک یوز طقسان التبی مادمه سی

مطالعه سندن منقهم اولدینی وبالاده تفصیل و بیان ایدلدیکی وجهله ورثه مومی الیهک عند الحاکمه مومی الیه سیموناکی افندی ذمتده الاجقاری اولدینی تحقق ایدن مبالغک مع فائض بالغ اولدینی التیوز اون التی لیرا یکر می التی غروشله درجات محاکمه صرف ایدلدیکی مبرز اعلاماته نین ایدن ایکی بیک یوز اون بش غروش التون و بیک اوج یوز طقوز غروش مجیدیه اچقه نک تحصیلنه دائر بک اوغلی بدایت محکمه سی ایکنجی حقوق دائره سندن صادر اولان اعلامک عند الاستیناف تصدیقنه حکمدن عبارت اولسنه نظراً حکم مذکور اسباب موجبیه مستند اوله رق اصول وقانونه موافق بولندیقنه و مستدعی وکیلک تمیزاً سرد ایدلدیکی بالاده محرر اعتراضاتیله اعتراضات سائره سی بالتدقیق نقض حکمی موجب کوریلهدمد یکنه بناء ردیله اعلام مذکورک تصدیقنه وزیرده مفر داتی مرقم بیک التمش سکنز بحق غروش مصارف تمیزیه نک مستدعی مومی الیه رجوع اتمک اوزره اول امرده ورنه دن التمسینه ۲۵ تشرین ثانی سنه ۳۱۱ تاریخنده اکثریتله قرار ویریلهرک طرفین وکیللرینه تفهیم قلندی.

اماسیه بدایت محکمه سندن ۲۳ تموز سنه ۳۰۶ تاریخی و یکر می درت عددی ایله ویریلان اعلامک تمیزینی مالیه نظارت جلیله سنه اضافتله حکومت محلیه دعاوی وکیلی حسین عوفی افندی طرفندن باعرضحال استعدا اولمش و یوم معینده خزیننه مشار الیه طرفندن رحمی افندی وکالة دائره ویرود ایدوب تمیز علیه اماسیه نک اشاعی زیکره محله سنده مقیم عمر اغانک برادری احمد اغا کلدیکی کبی جواب لایحه سی دخی کوندلر ماش اولدیقندن وکیل مومی الیهک ایضاحات شفاهیه سیله باش مدعی عمومی معاونلرندن سعادتلو یورغاکی افندی نک مطالعه سی استماع قلندقدنصرکه تدقیقات تمیزیه اجرا سنه ابتدار اولندی.

اعلام مذکورک خلاصه مالی برادری مرقوم عمر اغادن بدل معلوم مقابلنده اشترا ایدوب هر نصله معامله فراغیه سی اجرا اولنمیان کرتلر نام محله کائن نصف حصه باغه من بور عمر اغانک خزیننه جلیله یه اولان دینندن طولایی وضع اولنان بجز نک فکی حقنده مرقوم احمد اغانک اقامه ایدلدیکی

مابعدی وار

اعلان

فاطمه شریفه خانمک ۳۱۲ نومروس سیله مقید اعلام موجبیه زهدی افندی یه محکوم به دینی اولان مبالغک تأمین استیفاسی ضمنتده مدیون مومی الیهانک فندقلیده ملاجلی محله سنده مزارلق اوست زقاغنده ایکی نومرولی عرصه مع هواده متصرفه اولدینی اوج ربع حصه شایعه سی لدی المزایده بش بیک غروش التون اچقه ایله طالبی عهده سنده تقرر اتمکله تاریخ اعلانندن اعتباراً اوتوز برکون طرفنده یوزده بش ضمیمه طالب اولنلرک بک اوغلی بدایت محکمه سی اجرا دائره سنه مراجعت ایتلمی اعلان اولنور.

فی ۶ تموز سنه ۳۱۲

اولان مبالغک تأمین استیفاسی ضمنتده تحت بجزه النان قاضی قریه سنده عثمان اغا محله سنده قوش دبی جوارنده مسک زقاغنده برطرفی صادق و برطرفی حق افندی خانه لری و برطرفی مذکور خانه نک بفعجه سی و طرف اربعه سی طریق عام ایله محدود بشر اوطه و برر صوفه و ایکی مطبخ و بر بر مائی متصرف اولدینی یکدیگرینه متصل مکرر ایکی نومرولی ایکی باب خانه سی تاریخ اعلانندن اعتباراً اون بش کون صکره بالمزایده فروخته مبادرت اولنه جینی اسکدار بدایت محکمه سی اجرا دائره سندن اعلان اولنور.

فی ۱۵ تموز سنه ۳۱۲

خزیننه حاصه شاهانه نظارت جلیله سیله کشان زراعت بانکه سی و مال صندیقنک بدل التزام وجهت کفالتدن طولایی حاجی صالح اغا ذمتده محکوم به الاجبی اولان مبالغ معلومه نک تأمین استیفاسی چون مرقومک عهده تصرفنده اولوب

هاجی دیقراش و آرداش و ماریجه و سائر نک انیه قلفه لرندن اراکل ذمتده بااعلام الاجقاری

محجوز و فروختی قرار شدیریلان کشانده ترکان
قریه سنده واقع معلوم الحدود برقطعه چفتلك ايله
مشمعلاق قرق بر عدد ترلا وایکی عدد اغل ترلاسی
و بر عدد بابلداق و بر قهوه خانه سی محلی بدایت
محکمه سنجه لدی المزیاده املاک مذکوره التمش
بیک غروش بدل ايله طالبی عهده سنده تقرر
ایتمش و رغبات ناسک انقطاعه مبنی موقتاً قرار -
داده سی کشیده قلنمش اولدیغندن املاک مذکوره یه
طالب اولنلرک ودها زیاده معلومات المق استیانلرک
تاریخ اعلانندن اعتباراً اوتوز بر کونه قدر
مراجعتله بی سورملری ومدت مذکوره ختامندن
صکره ضم قبول اولمیه جنی درسمادت اعلامات
نظامیه اجرا دائره سندن اعلان اولنور .

فی ۱۸ تموز سنه ۳۱۲

خزینة حاصه شاهانه نظارت جلیله سیله
کشان زراعت باقعه سی و مال صندوقنک بدل التزام
وجیه کفالتندن طولابی حاجی صالح اغا ذمتنده
محکوم به الاجنی اولان مبالغ معلومه نک تأمین
استیفاسی چون مرقومک عهده تصرفنده اولوب

فی ۱۸ تموز سنه ۳۱۲

خزینة حاصه شاهانه نک اوزون چایر
وتوابی ملتزمی جمال بک کفلی بورکچی حسین اغا
ذمتنده متراکم بدل ایجاردن باعلام الاجنی بولنان
مبالغک تأمین استیفاسی ضمتنده تحت حجزه النان
بلقورلی قریه سنده اوچ پیکار ایازمه طریقنده
برطرفی حاجی سلیمان و بعضاً طریق و برطرفی
ازاریان اراضی سی و بر طرفی اوزون چایر ايله
محدود تخمیناً سکر دونم باغ و ترلابی و بر اوطه
و بر مطبخ و اوچ حیوان باغلنور آخوری وینه
اوتوز بش آرشون درینلک و اون التی آرشون
یوزی حاوی آخور و فوقنده مقدار کافی صمانلی
وینه فوقانی ایکی اوطه و بر صوفه لی اوچ دکانه
بری تری و بری آشچی و دیگری قهوه دکانی
حاوی باغ یری وقاضی قریه سنده عثمان اغا محله سنده
حمام زقاغنده اوچ اوطه و بر قیوی حاوی اخشاب
یکرمی نومرولی خانه نک نصفی وینه محل مذکوره
ایکی اوطه بر قیوی حاوی اون یدی نومرولی
اخشاب خانه نک بتونی و محل مذکوره حمام
جاده سنده کار کیرفرون ايله محل مذکوره واپور
اسکله سی جاده سنده التمش طقوز نومرولی بربر
دکاننک بتونی و فوقنده درت اوطه بی حاوی کار کیر
التمش طقوز نومرولی متصرف اولدینی بتون
خانه سی تاریخ اعلانندن اعتباراً اون بش کون


صکره بالمزیاده فروختنه مبادرت اولنه جنی
اسکدار بدایت محکمه سی اجرا دائره سندن
اعلان اولنور .

فی ۲۰ تموز سنه ۳۱۲

خزینة حاصه شاهانه نک اوزون چایر وتوابی
ملتزمی جمال بک ذمتنده متراکم بدل ایجاردن
باعلام الاجنی بولنان مبالغک تأمین استیفاسی
ضمتنده مومی الیهک بکیر بکنده استاوروز
دره سنده تکیه زقاغنده طرف رابی نقاش باشی
سوقاخی دیمکله معروف ویکرمی بیک زراعدن
عبارت عتیق باغ محلی اوزرینه انشا اولنمش
و نقاش سوقاخی جهتنده اخشاب اوله رق فوقانی
و تحتانی طقوز اوطه وایکی صوفه و اوچ حلا و بر
مطبخ و عموم بفتح دروننده ایکی قیو و بر
قورنه لی حمام و اشجار منمره و غیر منمره بی حاوی
اوچ نومرولی خانه ده وینه نقاش زقاغنده مذکور
محله تحتانی ایکی اوطه و بر حلا و اوتوز التی

زراعتن عبارت بر عدد بر نومرولی کوشکده
وینه تکیه میداننده اخشاب اوله رق اون بش
نومرولی قهوه دکاننده وینه محل مذ کورده
اخشاب اوله رق اوتوز الی زراعتن عبارت اولان
اون یدی نومرولی آخورده و محل مذ کورده
منهدم اوتوز الی زراعتن عبارت اون طقوز
نومرولی قلایحی دکانی عرصه سنده وینه محل
مذ کورده اوتوز الی زراعتن عبارت بیقلمش
یکرمی بر نومرولی بکار اوطه سی عرصه سنده
اولان حصه شایعه سی تاریخ اعلانن اعتبار آاون
بش کون صکره بالمزایده فروخته مبادرت اولنه چی
اسکدار اجرا دائره سندن اعلان اولنور.

فی ۲۰ تموز سنه ۳۱۲



عایشه خانم محمد نوری افندی ذمتنده

با اعلام شرعی الاجفی اولان مبالغ معلومه نک

تأمین استیفاسی ضمتنده مدیون مومی الیهک
عهده سنده اولوب محجوز ودرسمادت ایکنچی
حقوق دائره سندن ویریلان اعلام ایله فروختی
محکوم بولنان استمانبولده طاش قصاب قربنده
سایچوق سلطان محله سنده جامع شریف سوقاغنده
واقع اوتوز اوچ نومرو ایله مرقم بلاهوا بر باب
قهوه دکانی بوندن اقدام مزایده قونیه رق
ایرای عثمانی یوز غروشدن اوچ بیک غروش
بدل ایله طالی اوزرنده تقرر ایتش اولدیقندن
یوزده بش ضمیله بوندن دهها زیاده طالب
اولنلرک اشبو تاریخ اعلانن اعتبار آاون
کون ظرفنده درسمادت اعلامات شرعیه اجرا
دائره سنه مراجعت ایلملری.

فی ۲۲ تموز سنه ۳۱۲



(مطبعة طامره ده طبع اولنمشدر)